

Zeitschrift: Romanica Raetica
Herausgeber: Societad Retorumantscha
Band: 17 (2007)

Artikel: Fontaunas da dretg romontschas : ord igl anterius territori grischun dalla Ligia dalla Casa da Dieus e dalla Ligia Grischa
Autor: Nay, Giusep
Vorwort: Plaid accumpignont
DOI: <https://doi.org/10.5169/seals-858957>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 01.08.2025

ETH-Bibliothek Zürich, E-Periodica, <https://www.e-periodica.ch>

Plaid accumpgnont

Fontaunas ein segns da veta, ellas spisgentan veta nova. Quei associeschan ins buca senz'auter cun fontaunas da dretg. E tuttina han era ellas quella funcziun. Dil tuttafatg endretg san ins capir il dretg vertent la finala mo sch'ins enconuscha las fontaunas che han spisgentau el. Da quellas senu-treschan novas normas legalas. E bien dretg, il qual vegn era observaus, ei quel che vegn sviluppaus sin la basa dil dretg precedent e da sias fontaunas.

Han ils purs dil vitg vischinont ils medems dretgs sin las pastiras dalla vischnaunca sch'els han lur cuolms sil territori da quella, ni valan dretgs equals mo sin las pastiras ella vischinonza da quels cuolms? Tgei ragischs historicas e tgei natira giuridica han corporaziuns d'alp, e tgi ha consequentamein il dretg da decider da fusiunar quellas? Mo duas damondas che la Dertgira federala ha stuiu tractar aunc recentamein ed allas qualas ella ha saviu rispunder mo sebasond sin las veglias fontaunas da dretg. Ual il grond svilup e las grondas midadas el cultivar ed utilisar prau e prada, cuolms ed alps basegnan midadas dad usits ed isonzas, dil dretg. La dretga via muossan bunas enconuschientschas dals vegls statuts e reglements e da lur intent e funcziun.

Fatgs e tradiziuns giuridicas ein en nies cantun Grischun zun multifars. Daco senumnan las vischnauncas en Surselva ed ell'Engiadina aulta aschia, en otras parts dil cantun denton cumüns? Ils venerabels cumins che cumpigliavan plirs vischinadis eran quels ch'eran pertaders dils dretgs «suverans» e formavan l'organisaziun politica cun qualitads d'in stadi. Ils singuls vitgs havevan buca tals dretgs, mobein eran sempels vischinadis cun dretgs restrenschi da reglementar cunzun la veta economica agrara. Ell'Engiadina bassa perencunter haveva mintga vitg ils dretgs «suverans» – muort la situaziun topografica cunzun, sco Peter Liver giudichescha, ei negina organisaziun politica per plirs vitgs ni l'entira vallada sestabili-da – ed aschia senumna la vischnaunca leu «cumün».

Quei ei sulet in exempl che muossa la diversitat el svilup historic e la rihezia da nossa cultura ual en fatgs da dretg. Ina publicaziun da fontaunas ha sia valur tut tenor con completa ella ei. Muort la gronda diversitat e las differenzas en statuts e tschentaments era gia da vitg tier vitg vala quei en nies cass dublamein.

L'ediziun presenta ha il nundispoteivel meret dad emplenir ina largia sensibla e da render accessiblas en in tom cumplessiv era las fontaunas da dretg romontschas aunc buca ni mo parzialmein publicadas. Historichers e giurists spetgan cun viv interess sin ina tala ediziun. Ch'ella anfli ina buna accoglentscha e porti biars e bials fretgs ella perscrutazion dalla historia culturala sco en special era dalla historia da dretg.

«Sche ti vul saver nua ti vas, stos ti saver danunder che ti vegnas»: En quei senn proverbial pli vast, applicaus alla muntada dallas fontaunas historicas, san ins buca appreziar avunda la valur dallas fontaunas da dretg

sco scazi ch'intimescha nus da perscrutar e schar viver tradiziuns ed isonzas romontschas genuinas. Quellas fuorman ina basa tut auter che negligibla per mantener e promover nies lungatg matern e nossa cultura.

Losanna, december 2006

*dr. Giusep Nay
President dalla Dertgira federala*